

IZVJEŠTAJ O REZULTATIMA ANKETIRANJA GRAĐANKI I GRAĐANA MOSTARA

RAZVOJ DEMOKRATSKOG UČEŠĆA U GRADU MOSTARU

UVOD

Po prvi put u Gradu Mostaru, održati će se Skupština građana koja omogućuje sudjelovanje građanima u pripremi i predlaganju odluka važnih za lokalnu zajednicu. Ova specifična forma demokracije koja se zove „deliberativna“ demokracija, u kojoj grupa nasumično odabranih građana raspravlja o određenoj temi ili pitanju ima za cilj izbor teme koja je izuzetno važna za grad i njegove građane, a kojima će biti omogućeno da čuju različite činjenice i mišljenja po odabranom pitanju, uključujući i razmjenu mišljenja sa ekspertima iz date oblasti.

Kao prva faza koja se realizira u sklopu projekta „Razvoj demokratskog učešća u Gradu Mostaru“, koji sprovodi Kongres lokalnih i regionalnih vlasti a u sklopu Akcionog plana Vijeća Evrope za Bosnu i Hercegovinu za razdoblje od 2018. do 2021. godine, u suradnji sa profesionalnom agencijom za socijalna istraživanja i ispitivanje javnog mnijenja Prism Research & Consulting, organizirana je “Online” anketa, dostupna svim građanima grada Mostara, starijim od 16 godina, putem koje su imali mogućnost predložiti teme za koje smatraju da su od ključnog značaja za njihov grad.

Istovremeno je organizirana i promotivna kampanja, te poziv građankama i građanima Mostara da uzmu učešća u ovom projektu. Kampanja je realizirana kroz različite kanale i platforme elektronskog oglašavanja uključujući društvene mreže i internet portale.

IZVRŠNI SAŽETAK

U periodu od 13.04.2021. do 26.04.2021. ukupan broj građana koji su učestvovali u istraživanju iznosi 1068. Proces prikupljanja podataka i uporedna promotivna kampanja pod nazivom “gradiMO”, trajali su od 13.04.2021. do 26.04.2021 prilikom koje je prikupljeno **1826** glasova, te je učešće uzelo **1068** građana grada Mostara.

Targetirana je populacija građana starijih od 16 godina, sa mjestom prebivališta na području grada Mostara, u okviru 6 gradskih oblasti: Jug, Jugoistok, Jugozapad, Sjever, Stari Grad i Zapad. Ispitanici koji nisu zadovoljili navedene uvjete, ili nisu željeli navesti da li su nastanjeni u gradu Mostaru ili navesti navršenu dob, izuzeti su iz ovog istraživanja i krajnjih rezultata. Ukupan broj izuzetih ispitanika je **41**.

U svrhu prve faze istraživanja, kreiran je kraći upitnik na profesionalnoj online platformi za prikupljanje podataka "Survey System", te je kroz sistem oglašavanja putem društvenih mreža, internet stranica i drugih internet kanala organizirana propagandna kampanja s ciljem privlačenja što većeg broja građana Mostara sa pozivom na učešće u predlaganju ključnih tema u okviru projekta "*Razvoj demokratskog učešća u gradu Mostaru*".

Rubrika za prijedlog tema je kreirana u formi pitanja sa otvorenim odgovorom, tako da je jedan učesnik mogao predložiti jednu ili više tema. Odgovori su grupirani po tematskom sadržaju, zatim po tematskoj oblasti kojoj pripadaju, te dalje u podkategorije unutar oblasti u svrhu kvantitativne obrade podataka i izračuna broja glasova.

Iako su instrukcije bile da jedan ispitanik predloži jednu temu, neki ispitanici su predložili do pet tema, te je zbir glasova definisan na nivou predložene teme, a ne na broju učesnika istraživanja. U konačnici, učešće u predlaganju je uzelo **1068** građana Mostara, predloženo je ukupno **68** tema, a ukupan broj glasova iznosi **1826**.

Tokom perioda predlaganja tema izdvojilo se nekoliko tematskih oblasti za koje su građani Mostara zainteresirani:

1. Ekologija
2. Infrastruktura
3. Zdrav život, sport i kultura
4. Gospodarstvo i turizam
5. Podrška za mlade grada Mostara
6. Socijalno-društvene teme
7. Uređenje grada i gradskih površina
8. Sigurnost građana i policija
9. Zakon, politika i upravno-administrativne teme

Uzimajući u obzir sve prijedloge, u tabeli 1. izdvajamo 20 tema sa najvećim brojem glasova.

Tabela 1 – Top 20 tema

RB	TEME TOTAL	Total	% Total
1	Čišćenje i održavanje čistoće grada	282	15.4%
2	Rješavanje problema deponije "Uborak" (zatvaranje, izmještanje)	128	7.0%
3	Izgradnja, obnova i uređenje parkova, zelenih površina i parkova sa sadržajima za djecu	125	6.8%
4	Renoviranje i izgradnja prometne infrastrukture i saobraćajnica	95	5.2%
5	Otvaranje novih radnih mjesta, rješavanje nezaposlenosti	90	4.9%
6	Obnavljanje ili uklanjanje ruševina	74	4.1%
7	Socijalna politika, dječiji doplati, pomoć porodiljama i starim i nemoćnima	66	3.6%
8	Rješavanje problema bespravne gradnje, rušenje ili legalizacija	64	3.5%
9	Kontejneri, kante za smeće i odlaganje komunalnog optada	61	3.3%
10	Rješavanje i izgradnja novih parking prostora	49	2.7%
11	Ulaganje u obrazovni sistem, ulaganje u djecu i mlade	48	2.6%
12	Opća sigurnost u gradu, veća angažovanost policije	48	2.6%
13	Zaštita rijeka i okoliša, obnovljiva energija i ekologija općenito	44	2.4%
14	Ujedinjenje grada, rješavanje problema nacionalizma	40	2.2%
15	Ostali komunalni problemi	33	1.8%
16	Rješavanje problema sigurnosti prometa, adekvatne sankcije za prekršitelje, postavljanje kamera, sigurnost djece	33	1.8%
17	Rješavanje problema korupcije, kršenja ovlasti, problema nepotizma u različitim sferama, radu, zapošljavanju	33	1.8%
18	Infrastruktura, općenito	33	1.8%
19	Podrška pri zapošljavanju mladih, pomoć pri pokretanju vlastitog posla	32	1.8%
20	Rješavanje problema kolektora otpadnih voda, komunalne infrastrukture	31	1.7%

Online anketa sprovedena je u okviru projekta „[Izgradnja demokratskog učešća u Gradu Mostaru](#)“ u sklopu [Akcionog plana Savjeta Evrope za Bosnu i Hercegovinu 2018-2021](#). Cilj projekta je stvoriti mogućnost da se građani uključe u deliberativni proces i učestvuju u donošenju odluka na lokalnom nivou. Ovim procesom će se podržati dijalog na lokalnom nivou i doprinijeti revitalizaciji demokratskih procesa u Gradu Mostaru.